

ՆՈՐԱԲԱՆՈՒԹՅՈՒՆՆԵՐԸ ԶԱՂԱԶԱԿԱՆ PR-Ի ԼԵԶՎՈՒՄ

Հայտնի է, որ լեզվի բառային կազմի շարունակական փոփոխությունը, ի թիվս այլ գործոնների, անմիջականորեն պայմանավորված է հասարակության ներսում ընթացող զանազան տեղաշարժերով՝ քաղաքական, տնտեսական, մշակութային և այլն, որոնք առավելապես իրենց արտացոլումն են գտնում լեզվի բառային կազմում: Բառային կազմն ամենից առաջ հարստանում է նորաբանությունների հաշվին: Այսօր՝ հատկապես վերջին տասնամյակում, մեր լեզուն հարստացել է հազարավոր նոր բառերով, որոնց բառակազմական-կաղապարային քննությունը, անշուշտ, նոր շերտեր է բացում եայերենի բառակազմական հնարավորությունների ուսումնասիրության խնդրում: Ուսումնասիրությունները ցույց են տալիս, որ վերջին շրջանի նորաբանությունները լայնորեն ներկայացված են պարբերական մամուլի էջերում:

Մենք նորաբանություններ ենք համարում հին բառերին նոր որակներ հաղորդելը, բառակերտման նոր միջոցները, բառակազմական առկա կաղապարներով նոր բառերի ստեղծումը, փոխառությունն ու պատճենումը: Լեզվաբան Էդվարդ Աղայանի կարծիքով՝ «Ամեն մի նոր բառ՝ սեփական թե փոխառյալ, մախապես հանդես է գալիս որպես նորաբանություն»:¹ Ընդունված է տարբերել նորաբանությունների երկու տեսակ՝ լեզվական և անհատական կամ հեղինակային:² Ինչպես հայերենի զարգացման ողջ ընթացքում, այդպես էլ ժամանակակից հայերենում նոր բառերի առաջացումը տեղի է ունենում երկու ճանապարհով՝ արտաքին և ներքին: Արտաքին ուղին փոխառություններն են, իսկ ներքին ուղին՝ բառաբարդումն ու ածանցումը: Այսօր առավել քան ակտիվ գործում է «լեզվում եղած բառերի բառակազմական կաղապարներով նոր բառերի կազմման»³ գործընթացը, ինչպես՝ *ճնայայց*. «Էդվարդ Նալբանդյանի հետ առանձին *ճնայայց* մախատեսված չէր» /www.panoorama.am. «Մտեփանակներում մախարար Էդվարդ Նալբանդյանի *ճնայայց* մախատեսված չի եղել», 25.11.2011թ./, *արտարժույթ*. «Այնհայտ է, որ *արտարժույթի* այս տատանումները մեր անառողջ տնտեսության արտացոլումն են» /www.7or.am, *զագաթ/ն/աժողով*. «Բնավ պատահական չէ, որ *զագաթաժողովների* միջև տասնամյա ընդմիջումը համընկավ աշխարհում Ռուսաստանի դիրքերի վերանվաճմանը, որոնք թուլացել էին Խորհրդային Միության փլուզմանը հաջորդած տարիներին» /«Առավոտ», «*Գագաթաժողով* հանուն *զագաթաժողովի*», 26.11.2010թ./, «Մերժ Սարգսյանի մասնակցությամբ 2008թ. Բոխարեստյան հանդիպումից սկսած երեք տարի շարունակ ՆԱՏՕ-ի *զագաթնաժողովը* իր հռչակագրերով ամրադրարձել էր ԼՂ հակամարտության կարգավորմանը» /ՀԺ, «Հայ ազգային կոնգրեսը դատապարտում է Մերժ Սարգսյանի կողմից ՆԱՏՕ-ի *զագաթնաժողովը* բռնկուտելու որոշումը», 25.11.2010թ./, *աղաճային*. «Հնարավոր է, մենք գործ ունենք նոր երևույթի, ըստ էության՝ *աղաճային* գլոբալիզացիայի հետ, որի հետևանքով երկրներում աղաճի կառուցվածքներում կտրուկ աճել է արտաքին բաղադրիչը» /«168 ժամ», «Աղաճային գլոբալիզացիա», 21.12.2009թ./, *հանրահավար*. «Նախագահական ընտրությունների ընթացքում և մանավանդ մարտի 1-ի սպանից ու արտակարգ դրության հայտարարումից հետո զանգվածային քաղաքական հալածանքները, բացի ընդդիմադիր գործիչներից, տարածվել են մասն ընդդիմության համակիրների և անզան *հանրահավար*

¹ Էդ. Աղայան, *Ընդհանուր և հայկական բառագիտություն*, Եր., 1984, էջ 169:

² Տե՛ս Մ. Մկրտչյան, *Ակնարկներ հայոց լեզվի ճճաբանության*, Եր., 1984, էջ 157-158:

³ Վ. Առաքելյան, Ս. Խաչատրյան, Ս. Էդոյան, *Ժամանակակից հայոց լեզու*, հ.1, Եր., 1979, էջ 235:

մերի ստվորական մասնակիցների վրա»/ ՀԺ, «Լեւոն Տեր-Պետրոսյանի կույրը՝ սեպտեմբերի 23-ի հանրահավաքում», 24.09.2011թ./, սփյուռքացում. «Սփյուռքացում՝ անվանված ընթացքը կարելի է անվանել նաև անցում գաղթականից՝ աքսորյալի, չտցիալականացվածից՝ դեպի տցիալականացված «վտարամասնություն» կամ հիբրիդացում» /«Առավոտ», «Ազգային ինքնությունը բախման և երկխոսության գործընթացներում», 23.07.2011թ./, *Կլրատվամոլան*. «Պիտեր Մեմենի. Հայաստանի *Կլրատվամոլան* ինտեգրումը շարունակվելու է՝ անկախ սահմանների բացումից» /www.hraparak.am. «Ինտեգրումը շարունակվելու է», 03.06.2011թ./, *գաղափարայնացում*. «Մերօրյա քաղաքական կյանքում այս առումով անհրաժեշտ են իրական բարեփոխումներ: Ասել է թե՛ երիտասարդների *գաղափարայնացում* և գաղափարների իրացում» /«168 ժամ», «Կուսակցությունների երիտասարդացում և երիտասարդների կուսակցականացում», 29.11.2006թ./ և այլն: Բերված նորակազմություններից մի քանիսի համար /*արտարժույթ, հանրահավաք*/ կարող ենք փաստել, որ ընդհանրացող կարգի են, այսինքն՝ «կարճատև թե երկար ժամանակամիջոցում, անընդհատ կրկնվող գործածությունների հետևանքով անցնում են բառապաշարի գործուն շերտին և հենց դրանով էլ դադարում նորարարություն լինելուց»⁴: Հաճախակի գործածության շնորհիվ դրանք կարող են ամրագրվել լեզվի ակտիվ բառաշերտ, ինչպես՝ *բարձրաձայնել*. «Չենք կարողանում *բարձրաձայնել*» /«Առավոտ», «Համաճարակի մասին լուր են՝ «երկիրը փրկելու համար», 23.07.2011թ./, *գնաճ*. «...որպեսզի ընդհանուր *գնաճը*, կախված ապրանքատեսակների սպառման ծավալներից, չգերազանցի 5.5 տոկոսը»/ ՀԺ, «Անվերահսկելի գնաճ», 23.10.2010թ./, *այլախեղ*. «Մեր պայքարը խորհրդային *այլախեղների* պայքարի նկատմամբ մի շատ մեծ առավելություն ունի՝ մեր համախոհների թիվը շատ մեծ է, աննկարագրելի մեծ, այնքան մեծ, որ սերժանտացման ընթացքը կարելի է կասեցնել» /ՀԺ, «Այլախեղների պայքար», 13.01.2011թ./, *ստորագրահավաք*. «Թռչկանի համար *ստորագրահավաք* է սկսվել. ջրվեժի մոտ շուրջօրյա հերթապահությունը շարունակվում է»/ www.hraparak.am. «Թռչկանի համար ստորագրահավաք է սկսվել», 28.10.2011թ./ և այլն: Նորարարությունների մեջ, ինչպես և սպասում էինք, գերակշռում են կազմությանը բարդ բառերը:

Նորարարությունները, նորագույն հասկացումները, բառային պատճենումները, նաև փոխառությունները վկայում են մեր կյանքում առկա մոր երևութների, հասկացությունների գոյության մասին, որին բնականաբար հաջորդում է դրանց անվանումների ստեղծումը: Ավելի հաճախ մասնույի միջոցով են այդ բառերը ներմուծվում կենդանի լեզվի բառապաշար և ինչ-որ տեղ թելադրվում են հասարակության տարբեր խավերին: Հանրական նորարարությունների գերակշռող մասը ձևավորվում, ստեղծվում է ինչպես հրապարակախոսության, այնպես էլ քաղաքական PR-ի լեզվում: Դրանք ստեղծվում են մի դեպքում՝ բառապաշարի բացը լրացնելու, մեկ այլ դեպքում՝ ռճարտահայտչական նպատակներով:

90-ականներին հայոց լեզվում խիստ մեծացավ փոխառությունների հոսքը: Դա պայմանավորված էր քաղաքական կյանքում, տնտեսության, մշակույթի բնագավառներում, ինչպես նաև հանրային տցիալական կողմնորոշման մեջ տեղի ունեցած փոփոխություններով: Երկրի քաղաքական կյանքում սկսեցին հարմարվել մոր հասկացություններին՝ պրեզիդենտ /նախագահ/, պատրամենտ /խորհրդարան/, սփիքեր /խոսնակ/, էլեկտրատ /ընտրազանգված/ և այլն:

Օտար եզրույթները տիրապետող դարձան գիտության և տեխնիկայի առաջատար ոլորտում՝ ֆայլ, փեյջեր, ֆաքս, մոնիտորինգ, ատդիտ, հոլդինգ, ինվեստիցիա,

⁴ Էդ. Աղայան, *Էջվ. աշխ.*, էջ 170:

բրոքեր, դիվեր և այլն: Մշակութային ոլորտ քափանցեցին այնպիսի բառեր, ինչպես վեսթերն, քրիլեր, սերիալ, հիթ, շոունեն և այլն: Արագ փոխվեց կենցաղային խոսքը՝ համալրվելով ոչ հայկական անվանումներով՝ սնիկերս, համբուրգեր, չիզբուրգեր, սփրայթ և այլն: Նորագույն փոխառություններ են անիմացիոն, բիզնես ֆորում, բիզնեսմեն, բոմժ, գլոբալիզացիա, եվրո, իմիջ, լոքբի, կինոթեմալե, հակեր, մենեջմենթ և այլ բառերը:

Օրինակներից նկատելի է, որ նորագույն փոխառություններում առկա են ինչպես միաբառ կազմություններ՝ եվրո, իմիջ, իզգոյ, հիթ և այլն, այնպես էլ երկրառ՝ բիզնես լեզի, շոու բիզնես և այլն: Փոխառյալ բառերի մեծ մասն ունի հայերեն համարժեքներ, սակայն ռճավորման նպատակով մամուլը նախապատվությունը տալիս է օտար բառերին: Օրինակ՝ քերթերը գրում են *լեզդիսիւն*, քնն առկա է դրա հայերեն համարժեքը՝ *օրինական*, *կազինո խաղատան* փոխարեն և այլն:

Փոխառյալ նորարարությունների շրջանակում ուրույն տարատեսակ պետք է դիտել ներքին փոխառությունները կամ ներքափանցումները արևմտահայերենից, ինչպես՝ մարտավարություն, ռազմավարություն, արհեստավարժ, կարգախոս և այլն: Արևմտահայերեն կազմություններն առավելապես գալիս են փոխարինելու խոքերոյային շրջանում մեր լեզվում տարածում գտած օտար համարժեքներին /մարտավարություն-տակտիկա, ռազմավարություն-ստրատեգիա, արհեստավարժ-պրոֆեսիոնալ, կարգախոս-լոզունգ և այլն/: Ժամանակը ցույց կտա, թե դրանցից որոնք կկայունանան: Իբրև փոխառությունների և նոր բառերի առաջացման պատճառներ կարելի է քվարկել հետևյալները.

Դրանք առաջանում են որպես հասարակական կյանքում ի հայտ եկած նոր իրողություններ, նոր առարկայի, նոր հասկացության անվանում /մարքեթինգ, գենոֆորիա/:

Նոր բառեր փոխառելը պայմանավորված է օտարերկրյա մշակույթի ազդեցությամբ, քեղադրվում է պարզապես օտար բառօգտագործման ձգտումով:

• Նոր բառի կարճառոտությունը /իմիջ, սերիալ/:

Բառապաշարի փոխառյալ շերտում փոխառությունների յուրացման առանձնահատկությունների տեսակետից ուրույն տարատեսակ են դիտվում պատճենումները, երբ փոխառվում է ոչ թե բառը, այլ կազմության կաղապարը:⁵ Տարբերում են պատճենումների հետևյալ տեսակները՝ բառակազմական /բառապատճենում/, երբ կատարվում է օտար բառի թարգմանությունը ըստ ձևայինների՝ գերխանութ-supermarket, իմաստային, երբ փոխառվում է բառի փոխաբերական իմաստը /կառույց-հաստատություն, գերատեսչություն-ռուսերեն структура-ից, կիսապատճենումներ, երբ թարգմանվում է բառի միայն մի մասը /մակրոտնտեսություն-макроэкономика/:

Քաղաքական PR-ի լեզուն գերազանցապես հարուստ է խոսքի հասարակական հնչելությունը, թարմությունը, հրատապությունը և այլ որակային հատկանիշներ ապահովող անհատական կամ հեղինակային բնույթ ունեցող նորարարություններով: Կան նորարարություններ, որոնք չունեն կրկնվող գործածություն: Դրանք դիպվածային (օկազիոնալ) բառեր են, որոնք պատկանում են մեկուսացած նորարարություններին⁶: Այս բառերը խոսքում ավելի շատ ռճական, գեղարվեստական նպատակադրումով են գործածվում, քան անվանողական: Հատկանշական է, որ այս կարգի նորարարությունները խոսքային տվյալ իրավիճակում նյութի թեղադրանքով կամ հեղինակի

⁵ Տե՛ս Հ. Պետրոսյան, Հայերենագիտական քառարան, Եր., 1987:

⁶ Նույնը:

որոշակի նպատակադրմամբ՝ խոսքն ավելի համոզիչ, պատկերավոր դարձնելու համար»⁷ ստեղծված մոր բառերն են:

Դիպլոմատային բառերն ստեղծվում են ինչ-որ դեպքի, իրադարձության անմիջական ազդեցությամբ, դիպուկ են, սրամիտ և նպատառն են խոսքի արտահայտչականությանը, ինչպես՝ *իշխանագող, իշխանահողացած, իշխանատակ*։ «Էդ ո՞ր տականքը համարձակվեց Ազատության սուրբ հրապարակը Թատերական կոչել:

Հա՛, *իշխանագող տականքը, իշխանատակ հեռուստաընկերությունները, իշխանակողացած լրագրողները*» /ԶԻ, «Էլի մերոնք, որ ծախսու չեն», 16.07.2008թ./, *վագրաթիչ, սյունաարծվասլաց, տրեխտ-հանգանակ*։ «Է՛լ ինչ հրաշքներ գործի խեղճ վարչախումբը, որ հավատամք նրան՝ ընդունելով երկրորդ սերնդի *վագրաթիչ* մեր մոր կրոնը, արտաքին նախաձեռնողական *սյունաարծվասլաց* մեր մոր հավատքը, Գյումրվա դիլիջանյան տեխնո-բանկային մեր մոր *տրեխտ-հանգանակը*... Ըստ իս, եղածն էլ բավարար է. Աստված «Է՛լ քեթարից ազատի»/ՀԺ, «Պա չյո՛ւն օսլիում դյա մարոդա», 06.05.2009թ./: Այս բառերն ստեղծվել են հասկացությունների բովանդակային, հատկանշային կողմերը ճիշտ, ամենաժեշտ նրբերանգներով արտահայտելու, խոսքի բովանդակային և արտահայտման ձևերի համապատասխանության հասնելու նպատակով: Սրանցում իշխում է զգայական վերաբերմունքի արտահայտությունը:

Ավելի հաճախ մենք ակնառատես ենք լինում լեզվում արդեն իսկ եղած բարդության բաղադրիչներից մեկի փոփոխությամբ մոր բառի ստեղծման, ինչպես, օրինակ՝ *կայֆադուլ՝ հացադուլի* մամոռությամբ, *փողամուլ՝ գազամուլի*, *դըմտիր՝ մոլըմտիրի*, *քավորագրկում՝ ազատագրկումի* և այլն:

Կայֆադուլ։ «Երանի՜ քաղաքացիներին, մուլտլացիներին, վրացիներին և բուլիվացիներին: Խոսքս ամենևին էլ մեզ գոնե ջրցան մեքենաներով ցրելու երազանքի մասին չէ կամ թե՛ Մաշտոցի պողոտայում նախագահականից հանած աթոռները քշելու: Ոչ էլ՝ Սեբո Սարգսյանից հացադուլ ենք պահանջում, գոնե, գոնե՝ *կայֆադուլ*» /ԶԻ, «Թալանել են փոխնախարարի աներոջն ու զոքանջին», 15.04.2009թ./, *ծառաջարդ*։ «Լոռվա մարզում ներկայիս գյուղնախարար Արամայիս Գրիգորյանը, իր «Հայամտառի» պետ Մարտուն Մաթևոսյանը անտառների հունձ են իրականացնում: Այո՛, սա *ծառաջարդ* է, որ այս թափով և հայրենիքի հանդեպ անասունի այս վերաբերմունքով դեռ նախկին գյուղնախարար Դավիթ Լոքյանն էր սկսել» /ԶԻ, «Հայ հեղափոխական ծառաջարդ», 20.12.2008թ./, *փողամուլ*։ «Հենց 2010 թվականի բյուջեի քննարկումների ժամանակ էլ դաշնակներն իրենց մաշկի վրա զգացին կռալիցիայից վնասները՝ նրանց հստակ ցույց տվեցին, որ նախարարական *փողամուլներից* բացի՝ նրանք զրկվել են նաև «ատկատներ» գրպանելու իրավունքից» /ԶԻ, «Մերծված և ընդունված «ատկատների բյուջե», 19.03.2010թ./, *դըմտիր*։ «Վերջն ասածս էն ա, տղերք ջան, որ ձեզ եսիմ ինչի տեղ դնելուց առաջ ուշադիր կարդացե՛ք հոգեբանական գրականությունը, ուր ձեզնից շատերի խնդիրները վաղուց նկարագրված են, անկախ նրանից՝ ուստիկան եք, թե *դըմտիր նախագան*»/ՀԺ, «Մինչև ոսստ գալը», 23.04.2011թ./, *քավորագրկում*։ «Ինչ խոսք, *քավորագրկման* միջոցով Վիկտոր Դալլաքյանի հանդեպ իրականացված քաղաքական այս դաժանագույն հաշվեհարդար-վեճեհաան կարող էր դառնալ մի հրաշալի կատակերգության սյուժե» /www.kragir.am, «Քավորի քաղաքական ապտակը», 16.09.2010թ./ և այլն:

Քաղաքական PR-ի լեզվում հանդիպում են նորակազմություններ, որոնք ստեղծված են հատուկ անուններից՝ *սևրաֆորիա*։ «Սա «*սևրաֆորիայի*» յուրօրինակ դրսևորում է թուրքերի մոտ, որն այնտեղ ձևավորվել է Սևրի պայմանագրի կնքման հետևան-

⁷ Լ.Եզեկյան, Ոճագիտություն, Եր., 2003, էջ 140:

քով» /www.7or.am, «Նախաձեռնողականության» հաշվեկշիռը», 20.12.2009թ./, *գեղամ-յանիզագիա*. «Ժամանակն է, որ Հայաստանի քաղաքական բառապաշարում նոր տերմին հայտնվի՝ *գեղամյանիզագիա*» /ԶԻ, «Գեղամյանիզագիան գործընթացներ», 8.06.2009թ./, *փարաքարափակիչ*. «Վերջերս էլ Մոսկվայից ձեռնումայն է վերադարձել և Սամվել Նիկոյանի համձնաժողովին գործնականում բան չի ներկայացրել *փարաքարափակիչ* Արամ Կարապետյանը»/ «Ժրավունք», «Զարմանք», 22.11.2011թ./:

Գործածական են *—իկ* նվազափաղաքական վերջածանցով կազմությունները՝ հեզմական իմաստով, ինչպես՝ *ճախարարիկ*. «Դա հինգ-վեց ամսյակներով պաշտոնավարող *ճախարարիկներին* ու իրենց գործում ձախողված գործիչներին գովազդելու նպատակ ունի, քանզի խորհրդանիշներն անձնավորվելու են» /www.hraparak.am, «Շատ ուրախ է մեր կյանքը», 25.06.2009թ./, *պատգամավորիկ*. «Առնվազն ակնկալվում էին մամուլ—մուր *պատգամավորիկների* ներային զգվոտոցներ»/www.tert.am, «Մեր տխուր և անգույն քաղաքականությունը», 17.03.2012թ./:

Որոշ նորարարություններ կերտված են խոսակցական բառաշերտին բնորոշ կաղապարներով ու միջոցներով, օրինակ՝ *—ա/ցու* վերջածանցով՝ *քաղաքապետացու*. «*Քաղաքապետացու* Վ. Բարսեղյանը այնքան է կառչած իր աթոռից, որ այսպիսի մի կարգ է հանտատել քաղաքում. ով պատերից պատռած կտանի մյուս քեկնածուների նկարները, կվարձատրվի 200 դրամով» /«Ժրավունք», «Ով մի պատռած նկար տանի, կստանա 200 դրամ», 22.10.2011թ./, կամ *—ուհի* վերջածանցով՝ *երկրապահուհի*. «1998-ին Հ.Նաղդալյանը շատ արագ կողմնորոշվեց ու «թռավ» «Հանրապետության» գնացքից՝ համալրելով «Երկրապահ» խմբի շարքերը՝ դառնալով ակտիվ «երկրապահուհի» /ԶԻ, «Համ պատգամավոր է, համ վաշխառու տիկին», 24.12.2005թ./:

Նորարարությունների շարքում PR-ի լեզվում բավականին լայն գործածություն ունեն, այսպես կոչված, բառապատճենումները: Մեր լեզվի զարգացման արդի փուլում հատկապես տարածված են ռուսերենից կատարված բառային պատճենումները, որոնք սովորաբար դիտվում են որպես իմաստային փոխառություններ: Օրինակ՝ *բարի քեռի*. «Նա մի *բարի քեռի* է, որն ուսանողների ուսման վարձերն է վճարում, շրջանից եկող ուսանողների համար անվճար ավտոբուս է տրամադրում» /ՀԺ, «Բարի քեռին և նրա «բարգավաճիկները», 28.04.2009թ./:

Փաստենք, որ քաղաքական մեթոդայն կույթներում գործածված ու գործածվող նորարարությունները հիմնականում բացասական իմաստ են պարունակում: Այդ բառերը ուղղակիորեն հայելին են ներկա քաղաքական ուժերի պայքարի, անձի ինքնարտահայտման ու ինքնադրսևորման: Հաջող PR-ի պարագայում բառը նորության ու բառագործածության կարևորությունը հատկապես էական է մարդու մտածողության վրա ազդելու, ցանկալի հույզեր արթնացնելու տեսակետից:

Քաղաքական PR-ի լեզվին բնորոշ են նաև նորագույն հասկացումները, որոնք հիմնականում հասարակական-քաղաքական կազմակերպությունների, պետական-պաշտոնական տարբեր կառույցների կրճատ անվանումներ են և լրացնում են նորարարությունների շարքը, ինչպես՝ *ԱԺՄ* (Ազգային ժողովրդավարական միություն), *ՀՀԸ* (Հայոց համագգային շարժում), *ԵԱԽ* (Երիտասարդության ազգային խորհուրդ), *ՄԻՄ* («Մահմանադրական իրավունք» միություն), *ԱԺ* (Ազգային ժողով) և այլն:

Ժամանակակից մամուլի լեզվի բառապաշարի վերջին տասնամյակը նշանավորվում է նոր բառեր կերտելու հարաճուն միտումով՝ պայմանավորված հասարակարգում արմատական փոփոխություններով ու դրանից ածանցյալ մյուս զարգացումներով: Հայերենն ավանդաբար պահպանել է առավելապես սեփական բառակազմական միջոցներով հարստացնելու իր առանձնահատկությունը՝ նախկին բառակազմական կաղապարների գործում կիրարկմամբ: Մա ցույց է տալիս, որ ավանդաբար հայերենի

բառակազմական համակարգն ավելի կայուն է եղել լեզվի մյուս՝ ձևաբանական և շարահյուսական համակարգերի համեմատությամբ:

НЕОЛОГИЗМЫ В ЯЗЫКЕ ПОЛИТИЧЕСКОЙ PR

Резюме

Л. Киракосян

Известно, что изменения в словарном составе языка напрямую обусловлены различными социальными, экономическими, культурными и другими процессами, происходящими на данном этапе развития языка. Словарный состав языка, в первую очередь, пополняется за счет неологизмов. За последнее десятилетие армянский язык обогатился тысячами новых слов. Изучение их словообразовательных моделей выявляет богатство словообразовательных возможностей армянского языка. В проанализированном материале в основном представлена общественно-политическая терминология, взятая из армянской прессы. Были использованы также материалы "Словаря неологизмов современного армянского языка" С.Эоян /Ереван, 2002/.